



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Anthologia Sacra**

Ex Probatissimis Vtrivsqve Linguæ patribus collecta, atque Octastichis  
versibus comprehensa

**Billy, Jacques de**

**Parisiis, M.D.LXXV.**

Exigendam esse vitam nostram ad Dei legem, non ad aliorum normam.  
86.

[urn:nbn:de:hbz:466:1-50828](https://nbn-resolving.org/urn:nbn:de:hbz:466:1-50828)

S A C R A

etiam Leo reuocatur à præda : &  
tamen Leo venit, leo redit. Præda  
non rapuit: non malitiam posuit.  
Quid malum est pœnam timere?  
Quis enim non timet? quis latro?  
quis sceleratus? quis nefarius?  
Quod autem de leone ait, idem  
de lupo quoque postea dicit.

Exigendam esse vitam nostram  
ad Dei legem, non ad alio-  
rum normam.

86.

*Q*uid iuuat egrotum, ferro dum membra secantur,  
Cernere quem morbi vis magè dira premat?  
Quid iuuat immersum vitis, & crimine fedum,  
Cernere noxa quibus sit numerosa magis?  
Ethiopes inter sic fuscus se putat album:  
Sic balbo in mutis manat ab ore lepos.  
Sic inter nanos se iudicat ille gigantem,  
Qui magnos inter nanus habendus erit.

SCHOLIA.

Car. I. *Quid iuuat egrotum*) Gregorius  
Nazianz. hac similitudine osten-  
dit eos misero consolationis ge-

nerere sese fouere, qui, cum parum rectè atque integrè viuant, alios quosdam, qui flagitiosius uiuant, sibi ante oculos ponunt. Eius verba hæc sunt, vt quidem ipse vertere potui.

*Nec verò, illa meam recreant solatia mentem,  
Verbaque decipiunt, qua turpes subdola motus,  
Auxilium vitis que ferunt, prauumque fauorem.*

*Grandia nec cernens aliorum crimina letor,  
Excelsa tanquam ipse sedens virtutis in arce.*

*Quid iuuat egrotum, ferro dum membra secantur,  
Cernere quos grauius cruciet vis aspera ferri?*

*Quid iuuat obstrictum vitius sceleratior alter?*

Atque in eandem sententiã O-  
rigenes quoque ad hunc modum  
loquitur: Beatus est, qui ex cõpa-  
ratione meliorũ iustus est, & non  
ex cõparatione pessimorũ, sicut  
Sodoma, quæ ex cõparatione Ie-  
rusalẽ iustificata memoratur. Vnde  
& ego vereor, ne ex nobis, qui  
videmur esse in Ecclesia Dei, &  
legi eius operã dare, ac præceptis  
Euangelicis deseruire, inueniãtur

*Lib. 3.  
comm. in  
epist. ad  
Rom.*

*Ezech.  
16.*

## S A C R A

aliqui infidelium iustificandi. Accursum aliquanto post: Operam demus, ut sicut fide precedimus gentes, ita actibus & operibus præcellamus: ne mala nostra fiant aliorum bona, & illorum temperantia nostram redarguat intemperantiam.

*Quid iuuat immersum*) Aliorum vita nostræ vitæ norma esse minime debet, verum lex Dei, & sancta ipsius præcepta: ad quæ quisquis sese exigere & expendere in animum induxerit, non erit quamobrem in virtutibus suis animos attollat: ut qui, quilibet magnos in virtute progressus fecerit, tamen nisi amore proprio planè cæcatus sit, multis se vitis infectum esse confiteri cogatur. Quæ quidem protinus agnoscit, ut ad lucem accesserit, atque actiones suas ad diuinam legem exper-

expenderit, quemadmodum præ- *Lib. 5.*  
 clarè ostendit Gregorius in libro *ca. 26.*  
 Moraliū. Qua etiā in re si-  
 militudinē à ligno ducit, quod  
 quidem, inquit, rectum creditur,  
 si ad regulam non ducatur: sed  
 cū regulæ iungitur, per quan-  
 dam tortitudinem tumescit, inue-  
 nitur: quia nimirum rectitudo  
 accedens increpat, quod oculus  
 deceptus approbat. Hæc ille. At- *In Prac.*  
 que eodem modo Gregorius *ad verg.*  
 Nazianenus in Carminibus suis  
 idem argumentum vrget, perspi-  
 cuèque ostendit, stulti hominis  
 esse, ob quendam in virtute pro-  
 gressum gloriari, ac præ iis, qui in  
 vitiorum cœno volutantur, ma-  
 gnificè de se sentire. Quem qui-  
 dem locū, quoniam imprimis ele-  
 gans est, non pigebit in medium  
 proferre. Ad hunc igitur ferè mo-  
 dum ita loquitur.

## S A C R A

*Néve tuam exiguo librans examine vitam,  
 Si quem criminibus fœdum, aut errore vagantem,  
 Prætereas, ideo esse putes virtutis in arce  
 Non etenim summa est prauos præcellere laudis.  
 Sit tibi lex diuina modus, sit rector Olympi,  
 Qui, quamuis alios cursu præcedere possit,  
 Te tamen immense exuperat, retróque relinquit.  
 Nec, cum non impar numerus virtutis honore  
 Te superet, quam qui laudis tibi porrigit herbam,  
 Sic animos tollas, quasi non sit par tibi quisquam.  
 Te supra excelsi latissima regia cœli:  
 Tu verò inter humi fusos, pronosque iacentes,  
 Altius assurgens, quid laude efferris inani?  
 Vt sol in nitidis Phœbèque, et sidera, lymphis,  
 Piscibus irradiant, quanquam non illa, sed vmbra,  
 Vanaque prospiciunt veri simulacra remoti,  
 Letanturque vmbri, & imagine lucis inani.  
 (Non etenim ex falsis emersi fluctibus vnquam  
 Lucida cœrulei spectarunt sidera cœli.  
 Nanque aliàs illis esset dignoscere promptum  
 Quodnam sit verum lumen, quæ ludicra lucis.)  
 Haud aliter quidam, quia magni culmina regis  
 Nunquam lustrarunt oculis, nec imagine mentis,  
 Si paulum assurgant, fastigia laudis habere  
 Summa putant.*

*Serm. Eodémque modo August. in Ser.  
 96. de mone quodam his verbis vitium  
 temp. Attendis quid alius non faciat,*

non quid te iubeat facere Deus.  
 Metiris te de comparatione pe-  
 ioris, non de iussione melioris.  
 Non quia ille non facit, ideo tu  
 magnum aliquid facis: sed quia  
 gaudetur ad quædā minima ope-  
 ra vestra: quia tanta est sterilitas  
 vestra, vt ad modica gaudeatur.  
 Quasi securi vobis blādimini de  
 minimis elemosynarū granis: &  
 aceruos obliuiscimini peccato-  
 rum. Protulisti fortè nescio quid  
 parū, quod alius, aut nō habuit,  
 aut nō protulit, cū haberet. Noli  
 attendere post te quis non faciat,  
 sed quid te iubeat de<sup>o</sup> facere. De-  
 niq; Gregorius in eundē sensum  
 sic loquitur: Qui distinctionē Iu-  
 dicis attēdunt, plus de malis suis  
 metuūt, quàm de imperfectis iu-  
 sticiis suis exultant: plus inspiciūt  
 quod de iis, quæ adhuc agenda  
 sūt: debitores tenētur, quā quod

Lib. 22.  
 Mor. ca.  
 6.

S A C R A

operantes quandam iam debiti  
partem soluunt. Neque enim ab-  
solutus est debitor, qui multa  
reddit, sed qui omnia: nec ad bra-  
uium victoriæ peruenit, qui in  
magna parte spectaculi velociter  
currit, sed iuxta metas veniens, in  
hoc, quod est reliquum, deficit.

Flagitiosam vitam plus mo-  
lestiæ, quàm volupta-  
tis habere.

87.

*C*ui dicam hos similes, quibus est damnosa voluptas  
Charior, æternæ quàm bona cuncta domus?  
An phrenesi captus? an ei qui patre relicto  
Optabat siliquis pellerè posse famem?  
An Iacobæa potius de stirpe creatis,  
Quis dabat ætherea Christus ab arce cibum?  
His tamen (ô miseros homines, ô pectora læua!)  
Hac dape porrus erat, cepa nocensque prior?

SCHOLIA.

*Lib. 20. Cui dicam hos similes)* Huius car-  
*Moral.* minis sententiam à D. Gregorio  
*cap. 16.* mutuatus sum, qui in *Moralium*